

SU LABRU ETERNU

In su mare prus líbidu 'e su mundu
m'isto tremende a ságada, istasíu,
sonniande galu bramas
e beraniles prados de cossolu.

Sa sorte m'hat iscuttu
chin sa frunza 'e s'anneu
e m'hat ischerfiau sas ideas
e tottu sos alentos de su coro.
Ma dego non b'iscaddo. Sònno galu.

In cuddu montricheddu cara a sole
sas tilichertas sichin
a si pintare sònno de lucura.

E dego, che a issas, pacubbene!,
m'imbento isperas, duches alapinnas
e panderas de gloria.

E chin s'álinu pranto milli isteddos
e pinto in chelos d'oro
cabaddos chin sas alas
músicas delicadas
e nuraches de re.

Dego so galu zóvanu.
Hapo bint'annos solu: so pizzinnu.
E che pizzinnu sico a m'imbentare
risos d'amore, labras de coraddu,
passibales de sole
e serenas ampruras d'arcu 'e chelu.

S'alipinta
chi cada sero benit a s'argustu
eris m'hat nau cantande
chin notas de galana sinfonia
chi dego so poeta
e chi non morjo mai.

Sa sorte,
súrBILE maleitta, dispensera
de mille irbirgos de cada zenía
a tottu sos poetas lis regalat
su labru eternu. S'immortalidade.
E dego so poeta.

L'ALLORO ETERNO

*Stanco e sfinito, / in un mare di guai, / sogno ancora / prati di gioia.
Il tempo mi ha scosso l'anima / e mi ha schiacciato le idee. / Ma io, testardo,
continuo a sognare.
Su quel colle le lucertole / desiderano sempre il sole; / ed io, come loro, / mi fingo
delizie, dolci dimore / e bandiere di gloria.
Con l'alito semino stelle, / e, in cieli d'oro, / dipingo cavalli con le ali, / musiche
delicate / e nuraghi di re.
Io sono ancora giovane. / Ho solo vent'anni. Sono un ragazzo. / E come un ragazzo
continuo a fingermi / sorrisi d'amore, / labbra di corallo, / giardini di sole / ed
infiniti spazi.
Il fringuello / che ogni sera viene alla mia pergola / mi ha detto / con note
d'infinita dolcezza / che sono un poeta / e che non muoio mai.
Il fato, / drago maledetto, foriero / di mille stratagemmi, / a tutti i poeti regala
... / l'alloro dell'eternità.
Ed io son poeta.*